

若有持此普賢願

讀誦受持及演說

如來具知得果報

得勝菩提勿生疑

如妙吉祥勇猛智

亦如普賢如是智

我當習學於彼時

一切善根悉迴向

一切三世諸如來

以此迴向殊勝願

我皆一切諸善根

悉以迴向普賢行

當於臨終捨壽時

一切業障皆得轉

親覩得見無量光

速往彼刹極樂界

得到於彼此勝願

悉皆現前得具足

我當圓滿皆無餘

衆生利益於世間

於彼佛會甚端嚴

生於殊勝蓮華中

於彼獲得受記剎

親對無量光如來

於彼獲得授記已

變化俱胝無量種

廣作有情諸利樂

十方世界以慧力

若人誦持普賢願

所有善根而積集

以一刹那得如願

以此羣生獲勝願

我獲得此普賢行

殊勝無量福德聚

所有羣生溺惡習

皆往無量光佛宮

普賢菩薩行願讚

速疾滿普賢行願陀羅尼曰

曩麼悉底哩也

合四地尾合二迦引南一怛佗引

摩跋南

二唵引阿引忒嚩囉尾擬你娑嚩合二

尹七

十七

引訶引

每日誦普賢菩薩行願讚後即誦此真言纔誦一遍普賢行願悉皆圓滿修三摩地人速得三昧現前福德智慧二種莊嚴獲堅固法速疾成就

金剛頂經瑜伽文殊師利菩薩法一品亦名五字

特進試鴻臚卿大興善寺三藏沙門大廣智不空奉詔譯

亦時文殊師利菩薩在毗盧遮那大會中從座而起頂禮佛足白佛言世尊我今說本五字陀羅尼若有善男子善女人纔誦一遍者一切如來所說法義修多羅藏讀誦受持等

彼功德毗盧遮那佛告文殊師利言隨意說之亦時文殊師利即說明曰

娑囉跋者曩

纔說此陀羅尼一切如來所說法攝入五字陀羅尼中能令利益衆生般若波羅蜜多成就我今當說曼荼羅法或十四日十五日選

擇極清淨處作曼荼羅以瞿摩夷塗地復以白檀香泥塗之隨意大小於曼荼羅中畫文殊師利童子形狀身如鬱金色種種瓔珞莊嚴其身右手把金剛劔左手把梵來坐於月輪中於月輪四面周旋書五字陀羅尼阿闍黎對於此壇結金剛劔印念誦時文殊師利

尹七

十八

加持此阿闍黎即得無礙辯才仍為現身一解釋此陀羅尼甚深義理時阿闍黎即當禮拜出道場外為弟子授菩薩戒即以緋帛覆眼引入壇場門次而立時阿闍黎告弟子言汝今獲一切如來般若波羅蜜自今已後不應向人而說此明勿令破汝三摩耶法此

陀羅尼極應祕蜜娑囉跋者曩者是滿一切願義何以故

娑字者樂欲菩提義

囉字者染著不捨衆生義

跋字者第一義諦義

者字者妙行義

曩字者無自性義

樂欲菩提不捨衆生染著第一義諦中行行修習諸法無有自性若如是修滿一切願此諸願中證如來位及執金剛不求當得

我今又說契經印曼荼羅壇中畫金剛劔四面各於本方畫八供養契及四攝契對於此

壇念誦不久即當成就我今又說三摩耶曼荼羅壇中書五字及八供養四攝種子字對此壇念誦而作是言娑字門者諸法本不生日日念誦不久一切罪障銷滅速得成就我今又說羯磨曼荼羅壇中安般若波羅蜜經卷日日讀誦念誦以種種供養而供養之

不久即當成就

我今當說畫像法或白氎綃素等中書文殊師利菩薩坐月輪中輪內周旋書五字四面畫八供養及四攝如大壇法對此像前如法念誦而作是言諸法自性成就念誦數滿五十萬徧即獲無盡辯才如文殊師利菩薩等

無有異飛騰虛空所求世間出世間事悉得成就又念誦數滿一俱胝徧離諸苦惱滿二俱胝徧五無間等一切罪障永盡無餘三俱胝徧證悟一切諸三昧門四俱胝徧獲大聞持五俱胝徧成阿耨多羅三藐三菩提又法於舍利塔四面周旋右轉書五字陀羅尼遠

十九末

塔行道念誦勿令斷絕滿五洛叉徧尔時如來及文殊師利執金剛等於虛空中而現其身仍爲說法

金剛頂經瑜伽文殊師利菩薩法一品 尹七